

時上已疾陝西巡撫莊祖謙亦請祠賚奏人知事且受選不
上竟免於黨論

上不豫召輔臣於乾清宮之西爨閣諭以監臣王体乾勤練
厥臣魏忠賢忠誠又召見信王

給東安侯第價二萬七千一百七十金歲祿二千五百石田
千頃

丁未改崔呈秀兵部尚書仍兼左都御史

陝西總督史永安請祠厥臣於固原賜額茂彞

奉聖夫人客氏世廕錦衣衛指揮使客氏為定吳侯二婦年
十八入乳又二載發居侍上朝夕嘗私魏朝魏忠賢而關上

命歸忠賢供張侈麗威行宮掖至是諭兵部曰朕昔在襁褓
氣稟清虛賴客氏事勞苦保衛恭勤不幸皇妣早崩顧託
鄭重朕起居燥濕飢涼煖飽皆奉聖夫人業兢兢節宣周
慎艱險備嘗効力十六載及皇考登極匝月遽棄群臣朕以
幼冲並失怙時復賴調劑苦更倍前屢捐已俸助工助軍今
三殿慶成捷音屢奏朕感今懷昔嘉尚良深詩不云乎無德
不報特加恩廕用彰殊異却擬廕弟姪一人上少之命再叙
談遷曰阿保之功盡人而能之即被寵加渥僅行其意可
耳何至溫旨婉篤援及皇妣皇考所引諭大非制也故述
之以見政府之陋

叙三殿功薛鳳翔崔呈秀各少傅世錦衣指揮僉事孫志揚
夢袞各少保廕中書舍人吳淳夫太子太保工部尚書黃克
績太子太師各廕監白所知范濟世太子太師董可威太子
太傅周應秋郭允厚各太子太師廕監曹思誠太子太保蘇
茂相太子太傅曹爾禎太子太保兵部尚書張曉太子太傅
戶部尚書李春燁少保各廕監霍維華邵輔忠太子太保呂
純如兵部尚書趙紱右都御史劉遵憲太子太保馮嘉會加
贈一級廕監王之臣少師廕錦衣正千戶王之采右都御史
袁可立太子太保閻鳴泰少師協理京營房壯麗太子太傅
廕監許宗礼右都御史李夔龍右副都御史呂圖南張九德

各右都御史李養德太子太傅工部尚書廕監張文郁右都
御史廕監魏良卿廕錦衣指揮僉事李誠銘少保廕錦衣正
千戶郭吳言陳維新各右副都御史楊文岳太僕寺卿仍舊
任楊維垣楊所修郭吳治各右副都御史張維一太常寺卿
段國璋右副都御史潘士聞太僕寺卿王鳴玉參政何廷樞
王珙張素養各太僕少卿陳王廷倪文煥各太僕寺卿蔣兆
先太常少卿汪裕太僕少卿何可及陳朝輔趙胤昌汪若樞
張文熙李應荐李曰馨魯應瑞袁鯨安伸李應公王大年晏
春鳴智銜各太僕少卿單明翊右都御史廕監朱國盛右都
御史田吉改兵部尚書岳駿聲李春茂各右都御史其餘邢

紹德王時英杜如慤孫際可等馮運泰陳殷湯齊揚維和表
橫王敬錫范鈺徐伯徵許觀吉曾國禎孫延綱周迪等蕭震
徐四岳等聶慎行向日升李精白李從心王之柱董志稷熊
膏黃儒登林宗戴劉玉安陸鈺金高光杜賈光元沈日彰蔣
一驄白太始等楊齊芳魏持衡等張景張承爵楊餘洪周國
典馬鹿坤王世美王子訖如樹德王纘表恩唐常心周承禹
楊振龍原抱奇黃維先朱國誥李相唐虞際田嘉璧喬觀等
田弘慈王穎吳彥明袁志學等郭希禹等田爾耕等崔應元
等王崇德等吳英儒等葉振春等張凌雲陳大同吳師禹劉
福遠趙應冠等各加級有差

談遷曰嘗上疾甚諸人亟於自貴乘旣馭之漸紫玉盈朝
最下亦開九列矣魏氏攬權即萬幾清宴猶手決章奏了
不為忌矧危喘僅一哉雖然鐘鳴漏盡水涸石出諸人縱
貪冒無已獨不思異日能自豎子又未嘗不嗤其愚也

田爾耕廢錦衣正千戶內外優叙凡六百九十八人右都御
史朱國盛以工部薛鳳翔疏不預又別取中旨也

癸丑楚王華奎請祠殿臣許之

福府承奉徐進請祠殿臣於洛陽賜額垂懿

巡按山西御史李燦然請祠殿臣賜額褒勲

兵部尚書霍維華罷魏忠賢欲加廢客氏封伯維華引疾初

上不豫維華獻仙方靈露飲後進菜罔效忠賢遂志維華維
華心不自安力讓寧錦之廢轉身求去

談遷曰當權閹時外廷柔于統指惟唯惟諾霍氏略吐其
舌少自發舒劇論權閹之前狀迎合無異也末途見忤一
魔去之非能自立也天日難中知在轉瞬作此經一留為
後地諸人終附霍氏附而賣之誠哉智如轉轂也

乙卯上崩於懋德殿壽二十三上大漸召信王入諭後事親
忠賢有異志私語都督田爾耕唯唯崔呈秀不答詰之曰恐
外有義兵乃意沮初三殿成夜有鳥大如鶴聲如鳥屢鳴殿
上聞者異之

詔曰朕以眇躬仰紹祖宗鴻業七年於茲深惟皇考取法堯
舜之訓兢業不敢怠遑迨者三殿告成光復堂構寇氛
屢挫邊圉漸安方銳意治平與民休息不謂稟賦虛弱自青
宮已然及臨御以來東西多警朝夕在念益用憂勞多思傷
脾遂致綿煨今乃復觸風恙衄血陡發瀕九彌留殆不能起
有負先皇顧託之命朕用盡傷若夫死生常理人所不免凡
終弟及之文丕紹倫序即皇帝位勉修今德親賢納規講學
勤政寬惜民生嚴修邊備勿過毀傷內外大小文武諸臣協
心輔佐恪遵典則保固皇圖喪札依舊制以日易月二十七
日釋服毋禁民間音樂嫁娶宗室親郡王簾屏為重不得輒

離封域各處總督鎮巡三司官地方攸繫不許擅去職守各
止於本處朝夕臨哭三日進香差官代行衛所府州縣土官
俱免進香於戲兄弟大倫幸社稷之有主君臣至義期夾輔
以為忠尚体至懷用承末

談遷曰閹尹之禍劇於熹廟并邊徼而二之岌岌一國
事大壞弊極難持自武宗而後所再見也其好獵樂內嬖
諫悅佞無一不同第八駿未馳尚無煩和招之咏湛溺昏
醉皇儲並索然武宗權或自出劉瑾前磔錢寧後囚凡百
誅賞不盡指授今熹廟終始於魏氏五朞之間大肆威命
左傳有云改由寧氏祭則寡人追誦此語殆為寒慄在廷

諸臣非無忠謹好跡喧競揚左放逐之後搖手側足舉朝
望塵之不暇庸問天理民彝之事哉二三相國方氏則庸
葉氏則猾顧氏則諂格心砥柱各非其任欲如商文毅之
罷東廠李文正之規逆瑾必不得之數也雖然疵德多矣
朝署若奕功令若燔財用若泥沙原其所自不盡帝之失
也成祖立皇太孫身諭教之朝夕上側遇兵言兵遇農言
農遇象緯文藝言象緯文藝故宣宗敏決如流卓稱令主
神祖則大異矣身絕朝講之席帝生長慈寧宮不聞外事
啟沃輟響日闈寺宮婢之典俱安往而不怡淫也獨陳有
繼請開礦拒之似於神祖為得且諄然于傳位之際成王

之馮玉凡何以加焉

臺灣國家圖書館, NATIONAL CENTRAL LIBRARY, TAIWAN, R.O.C.



國
權

臺灣國家圖書館 NATIONAL CENTRAL LIBRARY, TAIWAN, R.O.C.



國權

起天啓七年八月盡崇禎元年

鹽官談遷孺木著



思宗紹天繹道剛明恪恭揆文奮武敦仁茂孝烈皇帝御諱由檢

光宗皇帝第五子母才人劉氏萬曆庚戌十二月乙未日生

天啟元年九月封信王沉胡英敏令望蔚著中外知其潛德

魏忠賢竊政時善自戢晦七年二月冊妃周氏

丁卯天啟七年

八月甲午朔乙卯熹宗皇帝崩王即日入臨至乾清門西向坐

臺灣國家圖書館, NATIONAL CENTRAL LIBRARY, TAIWAN, R.O.C.

王時自危袖乾糲以入不食太官饌也群臣亦無一人至
王秉燭獨坐久之見一璫携劍過即取視其劍留几上許以
賞聞巡徼聲勞苦之間左右欲給以酒饌安從取乎侍者云
當取之光祿寺傳旨取給歡聲如雷厥明群臣至殿門闌人
不令入告以宜用喪禮既改服又謂未成服宜如常群臣奔
走出入者三哀訢闌人得入臨司禮太監王體乾及忠賢在
喪次獨體乾令禮部備喪禮忠賢目且腫無所言群臣出獨
延兵部尚書崔呈秀入屏人語移時秘不得聞或云忠賢欲
自篡而呈秀以事未可為止之大行梓宮議安乾清宮如
光宗時王暫寓殿廡閣臣謂兄弟與父子不同梓宮奉別殿

上御文華殿如世宗時中宮移慈慶宮

桂王府成

巡撫登萊右副都御史孫國楨報東江之捷

丙辰禮部上登極儀注

丁巳信王即皇帝位於中極殿昧爽袞冕告天地謁奉先殿
仍詣大行几筵午刻御殿受朝命群臣毋賀朝時脩天鳴

巡撫陝西右僉都御史胡廷宴以固原闕舊餉十五萬九千
餘金兵有十月不支者乞部速給章下所司

督餉戶部尚書黃運泰言關門馬草冬春二季以三百六十
萬為額每束價五分該銀十八萬兩向係永薊石商買納滋

鑿金請以召買之價竟輸關門收買誠便從之
戊午諭礼部上皇妣貞淨賢妃尊諡及祔葬

己未頒即位詔於天下以明年為崇禎元年

庚申命大學士施鳳來同太監李永貞詣天壽山擇
陵定於澹峪嶺

止命婦入臨

巡撫登萊右副都御史孫國禎叙毛文龍宣川功頌及厥臣
上問司礼太監王体乾立枷之事對曰專處鉅惡上曰亦慘
甚

癸亥大賚文武諸臣及邊士共二百三十萬金

九月

甲子朔分鎮桃林口太監楊朝報揶漢虎墩兔西侵揶漢名
元小王子之裔嘉靖間揶漢打來孫避俺答之強與子土蠻
大成等自宣府塞外移遼左順福餘諸部以自立土蠻生卜
彥卜彥生虎墩兔原與俺答言囊為兄弟實揶主而俺答臣
也俺答封王後至卜石兔得素囊之妻兼併其地虎墩兔復
強卜石兔走河套揶漢日西向蚕食自言諸部建州雖忌揶
漢以其遙貪失馭易餌也

東廠太監魏忠賢乞辭任不許

平遼總兵毛文龍奏不平五事乞身求代不許語頗激上優

卷之

丙寅奉聖夫人客氏出歸私第

太監魏忠賢乞免戶部喪札香蠟三萬金從之

西人犯寧夏鎮朔堡洪廣營總兵吳盡忠拒卻之

丁卯司札太監王体乾辭任不允

戊辰平遠總兵毛文龍訴乏餉

己巳戶部尚書郭允厚言國諱印色藍易濃溷請錢糧事獨
硃印許之

庚午戶部奏令山東河南北直漕河黃河兩岸二百里內郡
縣應解金太倉京邊各照時價改本色運至河上官自為解

庶軍民交濟上從之

巡撫天津戶部尚書黃運泰奏預計關門內外糧料計關內
兵六萬各月米五斗歲支共三十六萬七千六百石班軍兩
防該米七萬二千石馬騾二萬四千匹四月至十月月九斗
十一月至三月月一石二斗歲共二十九萬五千二百石預
備料豈二萬石計關外兵八萬歲支米四十八萬班軍二萬
歲支四萬五千石加預備糧米三萬五千石馬騾三萬五千
匹歲支豈四十三萬五百石加預貯料豈三萬石通計米豈一百
七十八萬三百石米泐臨清德州倉餘米廬鳳淮揚召買豈
泐幾郡召買外有鮮米十萬石鮮布萬匹俱先期料理從之

壬申御門

丙子朝鮮國王李侗告困諭先帝已棄群臣朕嗣位其知之
瑞王府成

戊寅叙三殿功廕內臣錦衣衛指揮僉事十二人正千戶四
十七人

己卯右副都御史楊所修言兵部尚書崔呈秀工部尚書李
養德太僕寺少卿陳殷巡撫延綏右都御史朱童蒙俱查情
非制上責其輕詆

工部尚書薛鳳翔求發帑百萬有事山陵命半之

庚辰進李從心太子太師李精白劉詔兵部尚書兼右副都
御史

壬午許太僕寺少卿陳殷守制其兵部尚書崔呈秀不允

癸未宰賽百餘騎入犯恭將高勳拒之擒七人

甲申上聖母貞靜賢妃劉氏尊謚曰孝純淵靜慈順肅恭毗
天鍾聖皇后

丁亥國子司業朱之俊勅監生曹代何陸萬齡誑詞挾遁宜
罪命下獄

戊子諭停刑

督師兵部尚書王之臣言蒙古都令色俾乃蠻黃把都等以
數萬人東投建州部落多不願往建州亦疑忌不令渡河其
部衆大半西投虎墩兔愁今乃蠻黃把都部落曠目能乞兔

金女青等男婦共五千七百三十一來降臣令總兵杜文煥尤
世祿副總兵王叔民祖大壽受之命安置塞外
太監魏忠賢乞止建祠上優答之其前賜額如故餘止之
庚寅立妃周氏嘉定周奎女進奎為都督同知
進張素養右副都御史專理京營陸文獻姚柞端為太僕寺
少卿陳爾翼朱大啟為太常寺少卿
太師寧國公魏良卿少師安平伯魏鵬翼並給鉄券
己丑巡按陝西御史袁鯨上言秦隴岩險鳥道一夫當關萬
人俱廢過此階文徽成番漢雜居曠徒哨聚又過此河州之
西即海虜蘭州之北即松虜海虜兄弟八枝兵十數萬乞慶

台吉黃台吉最黠黃酋見住西寧七月內叛番黃明策為引
導縱橫於松山鎮羌間每借市馬入城勾連北虜今且岌岌
矣甘鎮兵馬減於搜遠京運緩於呼庚至臨洮靖虜洮岷兵
糧俱西安鳳翔平涼額編民運今欠至一二年何以稱有備
無患也

癸巳巡撫江西右僉都御史楊邦憲巡按御史劉述祖各疏
頌厥臣請祠不許

十月甲午朔廣西大盜胡扶龍平初潯州之龍山扶龍據之丙
寅掠上黃村及於武平守備蔡文龍敗沒廣西巡撫王尊德
以副使潘應龍勦之集右江兵三千七百人以叅將康承爵

領之徵右江兵四千餘人以參將范景文領之二月進師得賊黨廖扶四為內間知胡道貴為謀主遣王舍陳威說道貴勸賊歸舊巢威等伏兵于旁執之而江之盜始息

丙申工科都給事中郭吳治上言五事開經筵勤召對慎起居補考選課職業上是之

丁酉封劉效祖為新樂伯祿千石繼祖錦衣衛都指揮同知孝純皇后弟也

司札太監徐應元廕錦衣衛都指揮同知王之政王國泰王永祚廕指揮使又廕徐應元周世德商輔明正千戶魯文學張宗德李承恩徐延年商作霖黃一魁李天壽副千戶王之

政王國泰王永祚范壽寧百戶又藩舊御前太監王佐陳秉政齊本正張永慶王永年廕百戶並世襲

己亥故大學士魏廣徵贈太師

進大學士黃立極太保施鳳來張瑞圖李國樞左柱國各廕中書舍人

太監涂文輔搜太倉節省銀萬二千金進備恩賚上善之

庚子上皇兄大行皇帝尊謚為達天闡道敦孝篤友章文襄武靖穆莊勤愨皇帝廟號熹宗初本哲上定為愨

辛丑頒詔於天下

遼東前屯火燬三千八百餘家

吏科都給事中陳爾翼上言楊所修奏仰体聖孝諸部臣屢
疏乞去夫君臣上下可相安無事而播弄多端葛藤不斷聞
東林餘孽徧布長安欲因事生風憂不在小乞勅下廠衛五
城緝訪上曰群臣流品經先帝分別澄汰已精朕初御極
嘉典士大夫臻平康之理不許揣摩風影致生枝蔓

談遷曰甚哉僉人之過慮也現覓將銷免窟欲避遂以緹
校箱結將來之口李斯督責飭試新主幸未中其說薄示
優容彼輩益自以為得計矣逐漁者濡逐獸者趨無足怪
也

壬寅大理寺右寺正許志吉報吳養春家貲共六十萬五千

有奇程夢庚家貲十三萬

太學士黃立極等請開經筵命侯以明春十六日始

司礼太監王体乾魏忠賢廕錦衣衛都指揮僉事替襄典礼
也

增武舉二十人

命總兵王世忠出關撫賞世忠故南關遺裔也仇建州來歸
與虎墩兔憨為姻賞使候其營故督師王之臣奏遣

朝臣各捐陵工

甲辰議大行陵費三百餘萬

錄東江功太監魏忠賢王体乾徐應元等及胡良輔金捷郭

尚札各廕錦衣衛都指揮同知苗成指揮僉事邊進朝等三十一人各百戶崔呈秀廕錦衣衛指揮同知餘賜金幣有差乙巳諭遣尊先廟莊妃李氏上念幼時撫育也

丁未御史楊維垣劾兵部尚書崔呈秀典舊輔馮銓爭權嗾吳淳夫攻之淳夫一卽官不數月已濟卿貳於是群趨其門未幾河南道關越次用倪文煥其弟凝秀為浙江總兵尤可異者以不祥之人經理三殿工程呈秀奏辨蕙求守制未久已酉始日講御文華殿命免講帝鑑圖說以祖訓通鑑進講庚戌故太子少保吏部尚書趙南星卒南星字夢白商邑人萬曆甲戌進士授汝寧推官歷文選員外卽癸巳進考功卽

中佐內外澄如冰鏡吏科都給事中王三餘黨首相沈一貫橫贖斤之一貫銜馬借他事削籍家居三十餘年泰昌初起太常寺卿壬戌冬進左都御史癸亥主內計旋進吏部尚書渴善仇惡風行斧斷初家居時以丙辰丁巳內計趙與卯并詩教等亂改掌癸亥計典著四凶論以斥之方其入朝也大

理寺卿周應秋知其柄用郊迎結懽南星益鄙之歎曰吾入山三十年安知士風至此乎見大學士魏廣微以父執自居廣微力排之中旨削奪山西巡撫郭尚友誣其賤追論戊振武衛子清衛戍莊浪衛甥王中寵戍永昌衛南星日短衣執士伍崇禎初赦至巡撫羊志夔護璫必需部符方釋卒於戊

忠賢姓名盡廢君前臣名之理
域中士習漸降莫此為甚上不

於海內奔走在於

丁巳巡按直隸御史賈繼春劾崔呈秀不忠不孝報聞

戊午武選主事錢元愨上言近年以來百辟卿士不媚天子
而媚奸臣至與廝賤隸寅緣板附立躋显要玷列卿行汚濫
朝署常伯有績貂之請爛羊與閩內之謠甚非盛世所宜有
也厥臣魏忠賢以梟獍之姿供綴衣之役先帝念其服勤左
右假以事權群小蟻附勢漸難返稱功頌德布滿天下幾如
王莽之妄引符命列爵三等昇於乳臭幾如梁冀之一門五
侯徧列私人分置要津幾如王衍之狡兔三窟與珍輦寶藏

積肅寧幾如董卓之郡塢自固動輒傳旨鉗制百僚幾如趙
高之指鹿為馬誅鋤士類傷殘元氣幾如節甫之鈎黨株連
陰養死士陳兵自衛幾如桓温之壁後置人使先帝早知其
橫亦必有以處忠賢矣即

第散死士輸蓄藏使

既

死宜勒婦私
尾大之慮魏
茲茅土汚此
張体乾鍛鍊
之陳大同號稱
承俱明暴其罪

作白

實承天守備大
進並免

觀之誅何異凡
三秀也金珠非
不知幾何人也

市麗如

且臺臣法紀之司也曾未有一
臣有之自呈秀始
總憲獨坐之位也曾未有之自呈秀始先帝不
豫不親政務而連章累牘頒爵賞而列封廢群臣謝恩即賓
天之日以此定賊臣之罪案而魏忠賢之案亦可以言也茅
土傳於一時廟食遍於天下誠從賊臣以問厥臣能無媿心

否

刑部員外郎史躬盛論魏忠賢罪狀舉天下之庸恥漸滅盡
舉天下之元氣剝削盡舉天下之官方紊亂盡舉天下之生
靈魚肉盡舉天下之物力消耗盡報聞

庚申貢生海鹽錢嘉徵上言魏忠賢十罪曰並帝封章必先
開白至稱頌功德上配先帝及奉諭旨必云朕與厥臣從未
有此奏体乎曰箴后皇親張國紀未懼不赦之條先帝令忠
賢宣皇后滅旨不傳致皇后於御前而折逆奸遂羅織皇親
欲致之死賴先帝神明祇膺薄德不然中宮幾危曰美兵祖
宗朝不聞內操忠賢外脅臣工內偏宮闈操刀禁苑之中曰

二祖列宗高皇帝垂訓中涓不許干預朝政乃忠賢一手段
天仗馬輒斤蠶毒緝紳蔓連士類凡錢穀衙門邊腹重地清
運咽喉多置腹心意欲何為曰剋剝藩封三王之國莊田賜
賚不及福藩之一而忠賢封公侯伯之土田揀選膏腴不下
萬頃田無聖先師為萬世名教主忠賢何人敢祠太學之側
曰濫爵古制非軍功不侯忠賢竭天下之物力佐成三殿居
然襲上公之爵覲不知者曰邀邊功建州犯順以耒墮名城
殲士女殺大帥神人共憤今未恢復寸地寧遠稍捷袁崇煥
功未克終席不及爨忠賢冒封侯伯假遼陽廣寧復歸版籍
又何以酬之乎曰股民脂膏郡縣請祠不下百餘計祠費五

萬餘金敲骨剝髓孰非國家之膏血曰通同關節順天鄉榜
二十六日折卷而二十四日崔鐸貼出復上賢書其實錄要
挾不可勝數疏上報聞

故大學士朱國禎子祭墓謚文肅

揄漢西戎擺言台吉哈喇慎諸部諸部多潰散或入邊內避
之

辛酉戶科給事中段國璋劾吏部尚書周應秋

工部郎中湯齊奏荐善廣陳仁錫楊世芳給事中王夢尹
黃承昊虞廷陞報聞命該部酌用

斥太監魏忠賢回籍寧國公魏良卿改錦衣衛指揮使東安

侯魏良棟改指揮同知安平伯魏鵬翼改指揮僉事

太僕寺卿署河南道御史倪文煥吏部驗封郎中周良材主事

張元芳並劾免

礼科都給事中吳弘業論吏部尚書周應秋南京兵部右侍郎潘汝楨及崔呈秀子鐸倖舉報聞

釋鄧漢遣戍

壬戌上御日講畢召閣臣入便殿出督師王之臣疏示之曰王之臣自云贅員又云虛拘非內臣牽制之乎可盡撤各邊內臣以勅上

巡按直隸御史賈繼春上八事保聖躬正疏体重爵賞數名

善課職業罷祠費開言路矜廢臣報聞

工部尚書吳淳夫太僕寺卿白太始官生尚室司卿魏撫民並劾免東廠太監王体乾有罪免

十一月甲子朔巡撫宣府右都御史秦士文言揄漢虎墩免懲爭哈喇慎所分部落謀犯塞宜豫為備時揄漢傾巢而西以舊遼陽讓建州殺哈喇免直抵殺胡堡免歸化城奪銀佛寺敗習令色等

漕運太監李明道崔文昇免

戶部主事劉鼎卿劾大學士黃立極報聞

安置太監魏忠賢於鳳陽諭曰朕聞去惡務盡御世之大权

人臣無將有位之炯戒我國家明懸三尺嚴繩大憲典至重也朕覽諸臣屢列逆惡魏忠賢罪狀具已洞悉竊思先帝以左右微勞稍假恩寵忠賢不報國酬遇專逞私殖黨盜弄國柄擅作威福難以枚舉略數其槩皇兄懷寧公主生母成妃李氏假旨革奪金寃未雪偏裕妃張氏立致棄生借旨將敢諫忠直之臣羅織削奪又同心腹酷刑嚴拷誣捏駐私立斃多命他若蹇諤痛於杖下柔良苦於立枷臣民重足道路以目而身受三爵位崇五等極人臣未有之榮通同客氏表裡為奸先帝彌留之時犹叨恩晉秩亡有紀極賴祖宗在天之靈天厭其惡神奪其魄罪狀畢露朕思忠賢等不止窺攘名

器紊亂刑章將我祖宗蓄積貯庫傳國奇珍異寶金銀等朋比侵盜幾空本當寸磔念梓宮在殯姑寘鳳陽二犯家產籍没入官其冒濫宗戚俱烟瘴永戍於戲大奸脫距國典用彰苟麗於辟情罪允孚初上神明自操忠賢黨盛莫發其奸楊維垣首糾崔呈秀自相携貳猶未刺忠賢也陸澄源錢元愨直劾忠賢至錢嘉徵十大罪跪上忠賢不勝憤哭訴於上上不聽客魏相倚知信即內監徐應元為上所任忠賢屈身事之餽之以異寶告以絳東廠印應元果為間至是謫忠賢為陽祖陵司香命太監張邦詔等籍客魏家產

談遷曰逆閹在於肘腋若急霆迅雷以處之事或可測惟

探驪如睡市虎不驚使彼志漸安疑忌稍泯始出之外定
尋置中都紆徐容與朕後司寇操三尺以律之或曰良卿
輩屠沽下劣崔呈秀田爾耕亦滋黷逐真諒不同心作賊
何事過計噫長木之標無不仆也瘞犬之噬無不噬也英
具一擲寧為萬全

復熹廟成妃李氏封號

釋劄鉗兵備道副使耿如杞獄復其官

吏部尚書周應秋免

直允彛曰當逆璫時舉國皆狂最甚者為五虎五彪然皆
由崔呈秀以進或謂李夔龍不應在五虎之數尚有甚焉

者如周應秋為十狗之首其貪鄙不可言其罪亦不在虎
彪下也

工科給事中陳維新論錦衣衛左都督田爾耕報聞

乙丑太僕寺少卿署御史龔萃蕭安伸各劾崔呈秀等報聞
安置太監徐應元於顯陵明年二月戊鳳陽

張凌雲陳大同各劾免凌雲等俱匠役官太僕寺卿

河南提學副使潘曾絃奏荐前編修陳子壯方逢年累臣耿
如杞等上是之

丙寅兵部尚書田吉免

戶科給事中李覺斯奏荐前兵部尚書王永光詹事蕭命官

司業賀逢聖庶吉士楊汝成馬之驥閔仲儼等宜開其禁個
從之

太僕寺少卿劉徽言四事君德主權王道人情報聞

丁卯諭兵部曰逆惡魏忠賢括窮國柄蠹盜內帑誣陷忠直
草菅人命本當肆市以雪衆冤姑從輕降不思自懲將素蓄
亡命之徒身帶兇刃環擁隨護勢若叛然令錦衣衛官旂即
時擒奏

太僕寺卿署御史張文熙奏荐前御史高弘圖糾提督操江
右僉都御史劉志選命削志選籍

戊辰撤各鎮內臣諭曰先帝於宣寧閔薊寧遠東江分遣內

臣協鎮一柄兩操侵尋滋弊封疆事重其能堪此矧官官觀
兵古未有戒朕今於各鎮守內臣概撤一切相度机宜約束
吏士俱聽總督便宜調度無復委任不專以藉其口各內官
速馳驛回京

庚午復撫寧侯朱國弼祿

錦衣衛左都督田爾耕孫雲鶴巡撫延綏右都御史朱童蒙
並免

左副都御史署工科給事中郭吳言論崔呈秀魏忠賢之罪
上是之

御史王會圖劾崔呈秀妻妾弟蕭惟中本倡家今任密雲都

司盪秩至此報聞

罪監魏忠賢宿阜城旅舍其黨密報上旨知不免夜同李朝欽自經忠賢少飲博無賴至傭汲忿而自閹客其資之直東宮侍皇孫以飲食中其欲初直東宮有風道人宿朝天宮日歌市中曰委鬼當朝立茄花滿地紅客氏

辛未儀制郎中劉夢潮論右都御史署順天府尹李春茂巡撫山東右僉都御史黃憲卿俱媚祠春茂奏辨不聽免之壬申戶部員外郎王守履劾崔呈秀及吏科都給事中陳爾翼黨奸荐舊輔韓爌上命削呈秀籍陳爾翼閑住舊輔韓爌清忠有執下所知之爾翼又疏辨守履當上早朝御門出班

面糾爾翼上以守履突仗鎬三級調外

巡撫順天右都御史單明詡免

魏良卿下詔獄

癸酉刑部主事耿應昌言四事釋累臣遵法律重詔獄禁告密

戶部郎中劉應遇上言天下六大若逮繫獄死追贓任塗去就新進禁錮廷臣被劫上然之命違死各臣贓銀盡免之釋其家屬

甲戌復故太監王安官予祭葬立愍勞祠

戶部尚書張我續刑部左侍郎陳九疇免

勅部院曰臣惡魏忠賢劣先帝之寵靈按朝廷之威福密聽
群奸矯誣善類稍有觸忌肆行慘殺數年蠱誣不知幾許削
奪不知幾許幽圜蔽目沉黑弥天冤抑所積上干玄象致星
隕地裂歲侵兵連今魏忠賢崔呈秀天刑已殛臣民之憤稍
舒而詔獄存魂猶鬱錮籍譽髦未伸豈所以成朕維新之治
今應褒贈卽英褒贈應廕恤卽英廕恤應復官卽英復官應
起用卽英起用應開釋卽英開釋勿致久淹傷朕好生之意時
崔呈秀婦薊州列姬妾并列珍異酒器縱飲一卮卽擲槩
之飲已自經

降刑部主事耿應昌三級調外應昌初請裁東廠再被誥

責故有是命

乙亥工部尚書楊臺哀請停新例以前有納貢及通判運判
附學生王官長史之例也

丙子崔呈秀子鐸覆試僅構二義命削籍戍邊

刑部尚書薛貞總督薊遼兵部尚書劉詔免

戊寅夜月食

已卯廷推閣員上召大臣及吏科都給事中魏紹乘河南道
御史於軋清宮拜天下之遂聞諸臣名納於金瓶夾之得錢
龍錫李標來宗道楊景辰閣臣以時艱求益復得周道登劉
鴻訓而次所及王祚遠為風墮覓之無跡事訖則落施鳳來